


Comisario Dompig tambe tabata den laira...

Helicopter cu testigo abordo a bula riba area entre Aruba Racquet Club y Marriott Resort



van der Sloot, te ainda ta deteni. E team encarga cu e caso Natalee a ricibi cooperacion di coleganan Hulandes, Mericano y tambe di Antiyas. Pero dia y simannan a sigui pasa, y te ainda no a localiza curpa.

Mama di Natalee, esta Beth Twitty, a dicidi di aumenta e award na 200 mil Dollar siman pasa. Pero Dialuna, esaki a subi y yega te na 1 miyon Dollar pa un Natalee bibo bibo.

JORAN Y ARUBA RACQUET CLUB

En conexcion cu e testigo cu Diabierna a worde treci pa e team investigador di DIARIO, a nota movimiento y Dialuna den curso di merdia segun informe, e "testigo principal" nobo aki a aborda helicopter di Polis cu base na Tanki Flip, acompaña pa Halto Comisario interino, Gerold Dompig, hunto cu un Recherche y asina nan a lanta vuelu.

Un rato despues den espacio a tuma nota di e helicopter di polis Arubano ta circula den area di Hadicurari y Fisherman's Huts. Nan tabata enfoca riba e area entre e beach, pasa riba e salina y yega na Aruba Racquet Club.

Corda bon, cu Joran van der Sloot ta un miembro di Aruba Racquet Club, y e conoce e area ey hopi bon. Despues di Tennis, na pia mes ta pasa via di e salina y yega na e beach di Fisherman's Huts unda ta practica Windsurfing.

E area aki, ta un lugar cu Joran conoce bon-bon for di su planta di man, hasta cu wowo cera e lo sa unda pa cana.

Dialuna ora cu e Helicopter ta bulando, tabata parce cu e ta duna indicacion abao. Diripiente a constata un auto-

color shinishi (cual despues di a tuma bon nota ta trata e vehiculo confisca) for di cual un Recherche encarga cu e investigacion a habri porta y sali.

Mientras e helicopter a sigui bula y por a nota esnan abordo ta observando na tera mas o menos "e lugar na unda a weita" e trio, esta e rumannan Kalpoe y Joran den e vehiculo cu a pasa net banda di e testigo.

E ta un lugar aleha basta meter for di carter principal, den securidad riba e caminda di tera.

Durante cu DIARIO tabata na e lugar vigilando e operacion, diripiente a presenta varios medionan internacional. Nan a baha cu camera y tambe segun DIARIO por a saca afor un miembro di FBI cu a drenta den contacto cu esnan internacional.

HALTO COMISARIO NA PHILADELPHIA

Mientras tanto, riba Dialuna un canal di TV na Philadelphia, a tene un entrevista cu Halto Comisario di Aruba, esta mr. Ronny Bernadina, kende a bay e ciudad ey pa topa cu autoridad local.

El a sugeri na TV, cu e forma sofisticada cu e DNA-Lab cu Cuerpo Policial di Philadelphia ta dispone di dje, lo por yuda resolve e caso di Natalee Holloway na Aruba.

El a bisa cu como cu Aruba ta un isla hopi safe, aki no tin suficiente recurso pa tin e hermentnan necesario pa resolve crimennan serio.

"Mi a caba di bay na e Laboratorio. Mi ta spera cu mi por a bay cu full e Laboratorio pa Aruba y nos por resolve e caso ey. Pero nos no tin e placa ey."

Bernadina a describi e caso di Natalee como "difícil y straño", pero tin speranza cu



e lo yega na un final feliz.

CLARIVIDENTE TA MIRA CELLSITE

Redaccion di DIARIO tabata sigui tambe varios recomendacion di e asina yama "clarividentenan" Mericano cu ta splica cu nan ta haya soño raro, indicando posible lugar unda Natalee por ta.

Uno a menciona cu e dama hoben aki ta den un poz, cu ta mes hundo cu un palo di coriente. Den e mesun area ey, nan ta mira un toren di Cell-Site.

Manera por mira riba e potretnan aki, net banda di Aruba Racquet Club tin un Cellsite tambe.

Abogado di e sospechosonan den e caso di Natalee Holloway, a cuminsa

Kortgeding contra dunamento di informacion na FBI

ORANJESTAD(AAN): Ayera mainta abogado di e sospechosonan Kalpoe y van der Sloot, den e caso di Natalee Holloway, a haci un peticion na corte pa cuminsa un "Kortgeding", contra e hecho cu Prome Minister y Minister di Husticia a pidi Ministerio Publico pa entrega tur documento y informacion relevante den e caso aki, na FBI.

Esaki despues cu e abogadonan a tuma nota di e peticion haci pa e Ministernan, den un carta manda na O.M.

DIARIO a combersa cu abogado David Kock, kende ta representa Satish Kalpoe, y cu a splica cu no ta asina cu e abogado di clientenan a haya miedo, of tin algo di sconde. Kock a splica cu e ta bringando pa derecho di su cliente.

Segun e abogado, ta asina cu segun nos sistema legal, informacion of

documentacion di un caso legal no por wordo duna na hende of instancianan cu no ta nombra dentro di nos sistema legal.

No por ta asina cu si Polisnan di Venezuela, Colombia of cualkier otro parti di mundo bin Aruba, nan lo por haya informacionnan confidencial di cualkier investigacion.

Pues segun Kock, Gobierno no mester spanta pasobra ta trata aki di un instancia Mericano (FBI).

El a sigui bisa cu e ta wardando di tende for di corte, ta ki dia e kortgeding lo tuma lugar.

Segun e abogado, e caso por tuma lugar awe, of mayan, unda cu abogado di e sospechosonan lo purba prohibi e hecho cu informacion y documentacion di e caso di Natalee Holloway, lo wordo duna na FBI, of cualkier otro instancia cu no ta para den nos leynan.

ORANJESTAD (AAN): Den forma di exclusividad, DIARIO a publica den su edicion di Dialuna di desaroyo nobo, unda e team investigador di DIARIO mes a hiba detaye cerca Recherche encarga cu e caso di e estudiante desapareci Natalee Holloway, den forma di "un testigo principal".

Manera ta conoci, ya ta bayendo pa dos luna y ainda e caso no a mira luz di dia. Mientras tanto diferente persona a keda deteni entre otro e dos guardianan cu despues a worde laga den libertad ya cu no tabata tin nada di haber cu e caso. E detencion di dos guardia inocente mes a crea un ola di reaccion tanto na Aruba, pero grandemente na Merca.

Despues ta e rumannan Satish y Deepak Kalpoe, y Joran van der Sloot a worde deteni.

E trio aki tabata e ultimonan cu tabata den compania di e mucha muher Mericano. Tambe tata di Joran, esta Paulus, a worde deteni den e caso aki, pero e ta den libertad por lo pronto.

Despues di algun siman encarcela, Huez Comisario a dicidi laga e dos rumannan den libertad tambe.

E hoben di 17 aña, Joran